

ПРЕПОДОБНАГО АМВРОСИЯ, СТАРЦА ОПТИНСКАГО

НА ВЕЛИЦЕЙ ВЕЧЕРНИ

Блажен муж: 1-й антифон.

На Господи, возвах: стихиры на 8, глас 8.

Подобен: О, преславнаго чудесе:

Днесь светло торжествует/ Введенская пустынь, / прославляючи своего великаго молитвенника, / преподобнаго старца Оптинскаго, / Амвросия чудотворца, / иже zde подвизася ревностно/ и, возшед на лествицу духовную, / просиял есть, яко светильник огнезрачный, // по всей земли Российской.

Приидите, вернии людие, / воздадим достойное поклонение/ ныне прославленному старцу Божию/ и согласно воспоим ему: / преподобне отче наш Амвросие, / молитвенниче наш пред Престолом Царя Небеснаго, / не забуди нас, убогих чад твоих, / чающих твоя помощи, // и избави нас от всякия нужды и печали.

Что ты наречем, преподобне Амвросие?/ В подвизех бо возшел еси/ на гору святости и совершенства, / яко земный Ангел и человек Небесный/ ныне же радуешься и веселишися в чертозах Царя царствующих, / и тамо зриши славу и доброту неизреченную, / и с горними Силами непрестанно/ воспеваеши Трисвятую песнь// Богу, в Троице славимому.

Празднующе память богоноснаго Амвросия, / великаго старца Оптинскаго, / всероссийскаго наставника благочестия, / воспойте, людие, песнь новую: / блажен еси, преподобне отче наш, / сотворивый вся, заповеданная Христом, / ныне бо ты, прославляем в совете святых, / созерцаеши славу Вседержителя Бога, // прославляющаго прославльших Его.

Ины стихиры, глас 2,

Подобен: Егда от Древа:

Преподобне отче Амвросие, / кто исповесть труды и болезни твоя, / яже понесл еси ради Царствия Небеснаго?/ И был еси образ терпения и смирения, / кротости и воздержания, / целомудрия и послушания, / темиже обогатил еси душу твою/ и стяжал еси дары Духа Всесвятаго, // Имже всяка душа живится.

Благословлял еси Господа/ на всякое время, / в радости и печали земнаго жития, / всегда хвала Его бысть во устех твоих, / да услышат кротцыи и немощствующие глас твой и возвеселятся, / взыскал бо еси Господа, и услыша тя, / и от всех скорбей твоих избави тя. / Приступим и мы, братие, к Богу и просветимся, // и лица наша не постыдятся.

Святой угодниче Божий, / веры православныя ревнителю, / сосуде благодати избранный, / дивным житием твоим пустынь Оптина прославися, / и вси концы земли наша возрадовашася, / тебе бо вси стяжахом стену и утверждение, / молися присно ко Господу, / всемилостивому Богу нашему, // да спасет души наша.

Богоблаженне отче Амвросие, / суетная и ложная мира сего/ отвергл еси непоколебимо, / облекийся в ризы монашеския, / препобедил еси в себе ветхаго человека, / угасив разжженные стрелы вражия, / душу свою, яко зеницу ока, / соблюл еси невредиму, // темже ты вси ублажаем.

Слава, глас 1:

Приидите, монахов множество, / хвалебными песньми/ память почтим богоноснаго старца Амвросия, / Оптины пустыни украшения, / се бо, яко финикс, насажденный в дому Божиим, / процвел и возблагоухал есть цвет неувядаемый, / и ныне предстоит пред Царем Небесным, // моляся о душах наших.

И ныне, Богородичен, глас тойже: Всемирную славу:

Вход. Прокимен дне. И чтения.

Притчей чтение (главы 10, 3 и 8):

Память праведнаго с похвалами, / и благословение Господне на главе его. / Блажен человек, иже обрете премудрость, / и смертен, иже уведе разум. / Лучше бо сию куповати, / нежели злата и сребра сокровища. / Честнейшая же есть камней многоценных, / все же честное недостойно ея есть. / Долгота бо дней и лета живота в деснице ея, / в шуйце же ея богатство и слава. / От уст ея исходит правда, / закон же и милость на языке носит. / Послушайте убо мене, о чада, / честная бо реку, / и блажен человек, иже пути моя сохранит. / Исходи бо мои — исходи живота, / и уготовляется хотение от Господа. / Сего ради молю вас/ и предлагаю мой глас сыновом человеческим: / яко аз, премудрость, устрой совет, / и разум и смысл аз призвах. / Мой совет и утверждение, / мой разум, моя же крепость. / Аз мене любящая люблю, / ищущии же мене обрящут благодать. / Разумейте убо, незлобивии, коварство, / ненаказанныи же, прилагайте сердца. / Послушайте мене и паки, / честная бо реку, / и отверзу от устен правая, / яко истине поучится гортань мой, / мерзки же предо мною устны лживыя. / С правдою вси глаголы уст моих, / ничтоже в них стропотно, ниже развращенно. / Вся права суть разумевающим/ и проста обретающим разум. / Научу бо вас истине, / да будет о Господе надежда ваша, / и исполнитесь Духа.

Премудрости Соломоновы чтение (главы 10, 6, 8 и 9):

Уста праведнаго каплют премудрость: устне же мужей мудрых ведут благодать. / Уста мудрых поучатся премудрости, правда же избавляет их от смерти. / Скончавшуся мужу праведну, не погибнет надежда. / Сын бо праведен раждается в живот и во благих своих плод правды обымет. / Свет праведным всегда, и от Господа обрящут благодать и славу. / Язык мудрых добрая свесть, и в сердце их почиет мудрость. / Любит Господь преподобная сердца, приятни же Ему вси непорочнии в пути. / Мудрость Господня просвещает лице разумнаго. / Постигает бо желающия ю, прежде даже разумети ю, и удобь узрится от любящих ю. / Утреневавый к ней не утрудится, и бдяй ея ради вскоре без печали будет. / Яко достойных ея сама обходит, ищущи, и во стезях ея является им благоприемне. / Мудрости никогдаже одолеет злоба. / Сих ради и рачитель бых доброты ея, и возлюбих ю, и поисках от юности моя. / И взысках невесту привести себе, яко всех Владыка возлюби ю. / Таинница бо есть Божия хитрости,

и обретательница дел Его. / Труды ея суть добродетели: целомудрию же и разуму та учит, правде и мужеству, / ихже потребнее ничтоже есть в житии человеком. / Аще же и многого искусства желает кто, весть древняя, и быти хотящая разсмотрит. / Свесть извития словес и разрешения гаданий, знамения и чудеса проразумеет, и сбытия времен и лет; / и всем советник есть благ, яко безсмертие есть в ней и благославие во общении словес ея. / Сего ради беседах ко Господу, и помолихся Ему, и рех от всего сердца моего: / Боже отцев и Господи милости, сотворивый вся словом Твоим/ и мудростию Твоею устроивый человека, да владеет бывшими от Тебе тварьми и да управляет мир в преподобии и правде. / Дажь ми Твоих Престолов приседящую премудрость и не отлучи мене от отрок Твоих, яко аз раб Твой и сын рабыни Твоея. / Посли ю с Небес от святого жилища Твоего, и от Престола славы Твоея, / да, сущи со мною, научит мя, что благоугодно есть пред Тобою, / и наставит мя в разум, и сохранит мя в славе своей. / Помышления бо смертных вся боязлива, и погрешительна умышления их.

Премудрости Соломоновы чтение (глава 3):

Праведных души в руке Божией, и не прикоснется их мука. / Непщевани быша во очесех безумных умерети, и вменися озлобление исход их. / И еже от нас шествие сокрушение, они же суть в мире. / Ибо пред лицом человеческим аще и муку примут, упование их безсмертия исполнено. / И в мале наказани бывше, великими благодетельствовани будут, / яко Бог искуси я и обрете их достойны Себе. / Яко злато в горниле, искуси их и яко всеплодие жертвенное прият я. / И во время посещения их возсияют и, яко искры по стеблию, потекут. / Судят языком и обладают людьми, и воцарится Господь в них во веки. / Надеющиися Нань разумеют истину и вернии в любви пребудут Ему. / Яко благодать и милость в преподобных Его, и посещение во избранных Его.

На литии стихира храма и святого, глас 6:

Преподобне отче наш Амвросие, / всея России наставниче богомудрый, / жезле немощных и страждущих, / образе веры и благочестия, / проповедниче смирения и терпения, / молитвенниче за Отечество наше православное, / днесь ублажаем честную твою память, / с верою и любовию притекающе, / зываем ти дерзновенно: // моли Христа Бога спастися душам нашим.

Слава, глас 8:

Приидите, вернии людие, / воздадим достойное поклонение/ ныне прославленному старцу Божию/ и согласно воспоим ему: / преподобне отче наш Амвросие, / молитвенниче наш пред Престолом Царя Небеснаго, / не забуди нас, убогих чад твоих, / чающих твоея помощи, // и избави нас от всякия нужды и печали.

И ныне, Богородичен, глас тойже:

Безневестная Дево, / Яже Бога неизреченно заченши плотию, / Мати Бога Вышняго, / Твоих рабов мольбы прими, Всенепорочная, / всем подающи очищение прегрешений: / ныне наша моления приемлющи, / моли спастися всем нам.

На стиховне стихиры, глас 5.

Подобен: Радуйся, Живоносный Кресте:

Песнь воспоим, людие, / учителю душеспасительнаго жительство, / источнику любви Христовы, великому старцу Амвросию, / монахов путеводителю, / алчущих питателю, бедствующим помощнику, / всем христианом прибежищу: / приими, угодниче Божий, наша моления, / верных чад твоих, // чтущих святую память твою.

Стих: Честна пред Господем// смерть преподобных Его.

Празднующе, преподобне отче, / святую память твою, / благодарную песнь воспеваети, / ты бо веси нужды нас, чад твоих, / обремененных скорбми многими, / помогаеши нам силою свыше/ и ограждаеши, яко щит, / от всяких демонских находений, // низпосылая велию милость.

Стих: Блажен муж, бояйся Господа, // в заповедех Его восхощет зело.

Притецем, братие, / к источнику света истины, / богоблаженному Амвросию, / просветимся его ученьми духовными/ и с верою возопиим купно: / приими наша молитвы// и избави нас от всяких зол и скорбей.

Слава, глас 8:

Наставниче всех приходящих к тебе, / отче наш Амвросие, / любви насадителю, / нищих кормителю, / жаждущих напоителю, / грешников добрый исправителю, / неверных вразумителю, / призри на нас, чад твоих, // чтущих святую память твою.

И ныне, Богородичен, глас тойже:

Безвестная Дево, / Яже Бога неизреченно заченши плотию, / Мати Бога Вышняго, / Твоих рабов мольбы приими, Всенепорочная, / всем подаючи очищение прегрешений: / ныне наша моления приемлющи, / моли спастися всем нам.

Тропарь, глас 5:

Яко к целебному источнику, / притекаем к тебе, Амвросие, отче наш, / ты бо на путь спасения нас верно наставляеши, / молитвами от бед и напастей охраняеши, / в телесных и душевных скорбех утешаеши, / паче же смирению, терпению и любви научаеши; / моли человеколюбца Христа/ и Заступницу усердную// спастися душам нашим.

НА УТРЕНИ

На Бог Господь: тропарь святого дважды.

Тропарь, глас 5:

Яко к целебному источнику, / притекаем к тебе, Амвросие, отче наш, / ты бо на путь спасения нас верно наставляеши, / молитвами от бед и напастей охраняеши, / в телесных и душевных скорбех утешаеши, / паче же смирению, терпению и любви научаеши; / моли человеколюбца Христа/ и Заступницу усердную// спастися душам нашим.

Слава, и ныне, Богородичен.

Радуйся, Двере Господня непроходимая: / радуйся, Стено и Покрове притекающих к Тебе. / Радуйся, Необуреваемое Пристанище, / и Неискусобрачная, / Рождшая плотию Творца Твоего и Бога: / молящи не оскудевай о воспевающих, / и кланяющихся Рождеству Твоему.

По 1-м стихословии седален, глас 8:

Церковь святая ныне празднует/ твою честную память, отче наш Амвросие, / почитаючи подвиги твоего земнаго жития, / ты бо явился еси воистину яко река благодати Духа Святого, / врачуя немощи телесныя и душевныя/ всех прибегающих к тебе с верою и надеждою. / Тем взываем тебе непрестанно: / молися Христу Богу о спасении душ наших.

Слава, и ныне, Богородичен:

Упование и прибежище христианом, / Богородице Приснодево Марие, / не презри уповающих на Тя рабов Твоих, / требуем бо всегда Твоея помощи и заступления, / яко Мати еси Зиждителя всех, Христа Бога нашего: / тем и величаем Рождество Твое, Пречистая, и вопием: / радуйся, Богорадованная Владычице, / радуйся, спасение душам нашим и велия милость.

По 2-м стихословии седален, глас 1:

Любовию Христовою привлекл еси вся концы земли нашея/ и учил еси доброму христианскому жительству, / терпение и смирение насаждая в душах алчущих спасения, / наипаче помогаеши нам, / предстоя ныне у Царя царствующих и Владыки жизни вечныя/ и моля Его, / да помилует недостойных раб Своих/ и спасет души наша.

Слава, и ныне, Богородичен:

Тя, Пресвятая Богородице, / Ангели поют непрестанно, / яко Содетеля тех и Бога нашего несказанно во чреве Твоем заченши, / родила еси неискусомужно во спасение наше и избавление, / Егоже и молиши присно, / сущим на земли здравие даровати/ и миру всему умирение. / Темже и зовем Ти: / радуйся, всех родов веселие, / радуйся, Дево, христиан похвало.

По полиелеи седален, глас 8:

Достойно восхвалим, братие, / подвиги всея России чудотворца, / преподобнаго отца нашего Амвросия, / возшедшаго на высоту лестницы духовныя/ и прославльшаго Бога совершенством добродетелей душеспасительных, / и паки воспоем, со умилением сердец наших зовуще: / радуйся, Амвросие, отче святой, / добрый наставниче благочестия.

Слава, и ныне, Богородичен:

Дево пренепорочная и неискусобрачная Марие, / призри и посети рабов Твоих, / верно поющих и хвалящих Тя во храме Твоем, Препетая: / радуйся, Богоблагодатная Богородице Всепетая, / радуйся, спасение наше и утверждение, / радуйся, просветившая род наш светоносным Рождеством Сына Твоего и Бога нашего, / Имже искоренися лесь бесовская, / радуйся, совокупившая дольняя Небесным: / радуйся, Невесто Невестная.

Степенна, глас 4. Антифон 1-й, ихже стихи повторяюще поем:

От юности моя / мнози борют мя страсти, / но Сам мя заступи, / и спаси Спасе мой.

Ненавидящии Сиона, / посрамитесь от Господа, / яко трава бо огнем / будете изсохше.

Слава: / Святым Духом / всяка душа живится, / и чистотою возвышается, / светлеется Троическим Единством священнотайне.

И ныне, тойже.

Прокимен, глас 4:

Прокимен: Честна пред Господем // смерть преподобных Его.

Стих: Что воздам Господеву о всех, яже воздаде ми?

Евангелие от Матфея, зачало 43. [Мф. 11, 27—30.]

Рече Господь: Всѣ мнѣ преданѣ сѣть оцѣмъ моимъ: и никтоже знаетъ сѣа, токмиш оцъ: ни оцѣ кто знаетъ, токмиш сѣтъ, и емѣже яще волишь сѣтъ ѡкрыти. Приидите ко мнѣ вси тѣрждающіисѣ и ѡвремененніи, и азъ оупокѡю вы: возмите йго мое на себѣ и надѣчитесѣ ѡ менѣ, йкѡ крѡтокъ есмь и смиренъ срѣцемъ: и ѡбращаете покой дѡшамъ вашимъ: йго бо мое блго, и времѣа мое легко естъ.

По 50-м псалме стихира, глас 6:

Богоносный отче наш Амвросие, / в христоподражательнем житии своем/ стяжал еси плоды духовныя: / любовь, мир, радость, / долготерпение, благодать, милосердие, / веру, кротость, воздержание, / плоть распяв со страстьми и похотьми, / тяготы других понесл еси/ и тако исполнил еси закон Христов, // достоблаженне отче, молися о спасении душ наших.

Канон Богородицы со ирмосом на 6 и святого на 8.

Канон святого, глас 8.

Песнь 1

Ирмос: Колесницегонителя фараоня погрузи/ чудотвориай иногда/
Моисейский жезл, крестообразно поразив/ и разделив море: / Израиля же
беглеца, пешеходца спасе, // песнь Богови воспевающа.

Церковь ныне торжествует, / светло празднующи твою святую память, / и с
радостью воспевае ти хвалебную песнь, / славящи Господа, дивнаго во святых
Своих.

Познал еси сладость жизни во Христе/ и не обинуяся оставил еси прелесть
земных благ и суету мира, / всего себе покорив Богу.

Кто изочтет подвиги твоя, / яже понесл еси ради Царствия Небеснаго, / в
пении, бдении и пощении утверждая дух свой?

Восходил еси от силы в силу в доброделании заповедей Христовых/ и стяжал
еси дар Духа Святаго, / Егоже действием спасл еси многия души христианския.

Богородичен: Богородице Приснодево Марие, / простри ми милостивне
десницу на помощь, / умоляючи Сына Твоего и Бога, / яко уязвен есмь люте/ и на
Тя точию надежду мою положих, / Ты мя ущедрю.

Катавасия: Отверзу уста моя:

Песнь 3

Ирмос: Утвердей в начале небеса разумом/ и землю на водах
основавый, / на камени мя, Христе, заповедей Твоих утверди: // яко несть
свят, паче Тебе, Едине Человеколюбче.

Послушанием совершенным отверглся еси воли своея/ и тем страсти
существа падшаго Адама отринул еси, / всего себе предав водительству
богомудрых старцев и отцев пустыни, / иже и возрастиша тя в меру возраста
духовнаго.

Целомудрия красоту стяжала еси твоя чистая душа, / силою покаяния
совлекшись ветхаго человека/ и в духовном преуспейнии облекшись во Христа.

Богатства тленнаго мира возненавидел еси/ и был еси яко странник и
пришлец на земли, / взыскуя Града Небеснаго, / темже Домовладыка введе тя в
чертог славы Своея.

Христос Бог обогати тя даром чудес, / и многия болезни страждущих исцелил
еси, / не остави нас, чающих от тебе благодатныя помощи.

Богородичен: Надеждо и упование наше, / Владычице мира, благая
Помощнице, / спаси, и в крепости рог вознеси православных, / и люди наша от
всяких бед и от различных обстояний свободи.

Седален, глас 4:

Лик монахов ныне славословит тя, / преподобне отче наш Амвросие, / убожая честную память твою, / и вся обитель в радости торжествует, / почитаючи твое чистое в добродетелех житие/ и множество чудотворений, тобою призываемых. / Темже мы вси вкупе вопием: / спасай нас молитвами твоими, Амвросие, отче наш.

Слава, и ныне, Богородичен:

Под Твое благоутробие притекающе, / молим, Богородице Дево, / не презри плача нашего и молитвы, / но ускори избавити от бед и скорбей люди безответныя: / Ты бо едина еси известнейшее христианом упование, / и к Тебе прибегающе, вси спасаемся.

Песнь 4

Ирмос: Ты моя крепость, Господи, / Ты моя и сила, / Ты мой Бог, Ты мое радование, / не оставь недра Отца/ и нашу нищету посетив. / Тем с пророком Аввакумом зову Ти: // силе Твоей слава, Человеколюбче.

Избранный сосуд Духа Святаго был еси/ и токи чудес излил еси. / Приими наша молитвы/ и исцели нас от ран греховных и страстей.

Познавай силу молитвы во спасение души, / научи нас душеполезно молиться/ ко Избавителю всех милостивому Иисусу.

Веру истинную православную утверди в людех твоих, / чтущих тя яко ревнителя учения Христова.

Что воздадим ти, преблаженне отче наш, / за вся, яже воздал еси нам, чадом твоим, / чтущим твою честную память?

Богородичен: Из твоего пречистаго чрева, Богородительнице, / Слово Божие произыде несказанно, / Егоже объемши, от зол избавити умоли зовущих: / слава силе Твоей, Господи.

Песнь 5

Ирмос: Вскую мя отринул еси/ от лица Твоего, Свете незаходимый?! И покрыла мя есть чуждая тьма, окаяннаго. / Но обрати мя и к свету заповедей Твоих// пути моя направи, молюся.

Светом учения Христова просвещенный, / мрак заблуждения греховнаго отмел еси, / настави во свете повелений Божиих и нас, омраченных страстьми.

Новая свеча возсиял еси, отче, на земли Российстей, / озаряя светом любви Божественныя вся дольняя, / просвети, богоносе, нас, недостойных чад твоих, / светом заповедей Христовых.

Возлюбил еси ближняго и подъял еси его бремя грехов и скорбей, / да узрит свет истины и исправит стопы своя к деланию заповедей Христовых.

Унаследовал еси Царство Небесное, / идеже празднующих глас непрестанный/ и безконечная сладость зрящих лица доброту Бога неизреченную.

Богородичен: Нескверная Агнице и Богоотроковице Марие, / Твоими молитвами укрепившаяся, / святии победиша бесовския силы. / Темже и нам,

уповающим на Тя, / скоро предстани в помощь, / да посрамятся и падут вси, являющиеи рабом Твоим злая.

Песнь 6

Ирмос: Очисти мя, Спасе, / многа бо беззакония моя, / и из глубины зол возведи, молюся: / к Тебе бо возопих, и услыши мя, // Боже спасения моего.

Крепкое заступление буди всем, / притекающим к твоей помощи в недужех и печалех, отче наш Амвросие, / Оптинския обители великий старче.

Избави нас от коварства лукавых духов/ и изведи из глубины греховныя, / да очистит нас Христос Бог от беззаконий наших и спасет души наша.

Како рцем твоя благодеяния людем, страждущим и уничиженным?/ Како воспоем ти благодарственную песнь?/ Приими ныне песнь хвалебную недостойных чад твоих.

Посети наша немощи по милости твоей, / исцели язвы духовныя силою данною ти свыше благодати, / да востанем от мертвеннаго сна греховнаго.

Богородичен: Песнословяще, Чистая, из утробы Твоя Воплощашася, / Тя славословим, яко Божию Матерь.

Кондак, глас 2:

Завет Пастыреначальника исполнив, / старчества благодать наследовал еси, / болезнуя сердцем о всех, с верою притекающих к тебе. / Темже и мы, чада твоя, с любовию вопием ти: / отче святой Амвросие, / моли Христа Бога спастися душам нашим.

Икос:

Доброзрачное житие показал еси / и своими добродетельми озарил еси всю землю Русскую, / привлекл еси к себе вся концы Отечества нашего, / окормляя неисчетную паству верных чад твоих, / ихже с любовию призрел еси, яко отец чадолюбивый и милостивый. / Темже стекшеся в день преставления твоего, / во умилении зовем: / радуйся, подвижнице благочестия, восприемый богатыя дары Духа Всесвятаго; / радуйся, высото смирения и терпения, имиже научаеши верная чада своя; / радуйся, древо плодоносное, имже напитал еси множество алчущих жизни вечныя; / радуйся, цвете благоуханный любви Божественныя, еуже утешаются скорбящие и болезнующии; / радуйся, источнике приснотекий чудес и благотворений, от нихже болящие исцелевают и гибнущии спасаются; / радуйся, дерзновенный ходатаю наш пред праведным Судиею; / радуйся, помощнике нам преславный во всех обстояниях. / Радуйся, богомудре Амвросие, великий старче всероссийский.

Песнь 7

Ирмос: Божия снисхождения/ огонь устыдися в Вавилоне иногда: / сего ради отроцы в печи радованною ногою, / яко во цветнице, ликующе, пояху: // благословен еси, Боже отец наших.

Преселился еси в горния чертоги/ и тамо зриши славу неизреченную пречнаго Бога, зовя: / благословен еси, Боже отец наших.

В сонме святых угодников ныне/ прославляеши премудраго Творца и Господа Сил, воспевая: / благословен еси, Боже отец наших.

С лики Ангелов и Архангелов предстоиши пред лицом Вседержителя/ и тамо немолчно поеши: / благословен еси, Боже отец наших.

Вниде в радость Господа, яко добрый и верный раб его был еси на земли, / и ныне на Небесех взываеши: / благословен еси, Боже отец наших.

Богородичен: **В**ижь, Владычице, души моя злосмрадныя раны, / ихже самохотне подъях, окаянный, и не могу приложити пластыря, но еле жив сый, вопию: / милостива мне Врача всех и Бога матерними Твоими молитвами сотвори, / яко да воспою Ти: / благословен, Пречистая, Плод Твоего чрева.

Песнь 8

Ирмос: **С**едмерицею пещь/ халдейский мучитель/ богочестивым неистовно разжже, / силою же лучшею спасены сия виде, / Творцу и Избавителю вопияше: / отроцы, благословите, / священницы, воспойте, // людие, превозносите во вся веки.

Церковь ныне ликовствует, / празднуючи блаженную память твою, достохвальне отче, / и обретение честных мощей твоих прославляет радостно, поющи: / да благословит вся тварь Господа и превозносит Его во веки.

Собращая ныне в обители святых монахов множество, / ублажающих твою честную память и поющих с радостию: / да благословит вся тварь Господа и превозносит Его во веки.

Пастырие и учителяе стекошася в сей град обительный, / идеже в добродетелех ты процвел еси, поя: / да благословит вся тварь Господа и превозносит Его во веки.

Старии и млади, сильнии и немощнии приидоша ныне в дом Господень/ прославити преподобнаго старца и отца нашего Амвросия, вопиюще: / да благословит вся тварь Господа и превозносит Его во веки.

Богородичен: **О**т Тебе, Пресвятая Богородице, / излилася вода животная на омовение скверны всемирныя, / еюже благоволи и мое сердце прохладити/ и окропити росю молитв в крове крил Твоих во веки вся.

Песнь 9

Ирмос: **У**жасеся о сем Небо, / и земли удивишася концы, / яко Бог явися человеком плотски / и чрево Твое бысть пространнейшее Небес. / Тем Тя, Богородицу, // Ангелов и человек чиновачалия величают.

Проповедует ныне Православная Церковь подвиги твоя, / яко всероссийскаго угодника Божия, / и чтит твою память, / восхваляючи твое ангелоподобное житие.

Призри с Небесе, отче наш Амвросие, на верныя люди твоя/ и низпосли свыше руку помощи/ всем покланяющимся честному образу твоему.

Услыши глас моления нашего, / посети милостию твоею болезни и немощи чад твоих, / с верою к тебе прибегающих, досточудне отче наш.

Припадаем во умилении сердец наших к стопам твоим, / великий старче земли нашея, просим и молим: / не забуди посещати чтущия пречестную память твою.

Богородичен: Кое Тебе дарование принесем, Богородице?/ Или что вещати имамы, грешнии?/ Точию умильно вопием, молящися: / спаси рабы Твоя, Богоблагодатная Отроковице, / яко да Тя присно величаем.

Светилен:

Монашескаго образа житие избрав непреложно/ и отринув мира сего суету и славу, / вселился еси в обитель Богородицы, / преподобне отче наш Амвросие, / и процвел еси, яко крин сельный. / Мы же, чтуще святую память твою, зовем ти: / буди нам помощник и заступник в бедах и скорбех обстоящих.

Слава, и ныне, Богородичен:

Радуйся, Тебе зовем, благословенная Богородице Дево, / яко Тобою присносущныя радости причастницы быхом. / Живот бо наш и спасение недомыслимо и превыше естества родила еси, / сего ради непрестанно ублажают Тя родове родов, / якоже прежде прорекла еси.

На хвалитех стихиры на 4, глас 6:

Восхвалим, вернии людие, / достоблаженную память преподобнаго Амвросия, / великаго старца Оптинскаго, / всея России чудотворца, / той бо, скончав земное странствие, / вниде в обитель Царя Небеснаго/ и зрит тамо красоту неизреченную, / вчинився с лики безплотных, / поет с ними песнь трисвятую// в Троице славимому Богу.

Возрадуемся, братие, / празднующе светлую память/ богоноснаго старца Амвросия, / учителя благочестия, / проповедника любви Христовы, / егоже Бог сотвори сосуд избранный благодати Своея живоносныя, / воспоем, зовуще: / моли, отче, всещедрого Бога// спастися душам нашим.

Преблаженне отче Амвросие, / вонми гласу душ наших, / чающих твоея милости, / се бо скорби и нужды/ превзыдоша главу нашу, / и несть исцеления плоти нашей; / прииди и помози всем// чтущим твою святую память.

Церковь Русская ныне празднует/ твою прехвальную память, / богомудре отче Амвросие, / прославляючи твое земное житие, / еже украсил еси добродетельми Христовыми. / Не премолчи за ны ко Господу/ в твоих теплых молитвах, // да спасет души наша.

Слава, глас 8:

Буди помощник и заступник нам, / обуреваемым в пучине житейскаго моря, / богоблаженне отче Амвросие, / добрый пастырю и делателю жатвы многия, / тебе

бо вси вемы/ яко милостиваго чудотворца, / скорого врача душ и телес наших, / крепкаго молитвенника пред Богом// о спасении душ наших.

И ныне, Богородичен, глас тойже:

Приими, Владычице, моление Твоих раб и Сына Твоего умоли, с Амвросиом Богомудрым, подати нам грехов прощение.:

Славословие великое и отпуст.

НА ЛИТУРГИИ

Блаженны от канона, песни 3-я и 6-я.

1. Послушанием совершенным отверглся еси воли своя/ и тем страсти существа падшаго Адама отринул еси, / всего себе предав водительству богомудрых старцев и отцев пустыни, / иже и возрастиша тя в меру возраста духовнаго.
2. Целомудрия красоту стяжала есть твоя чистая душа, / силою покаяния совлекшись ветхаго человека/ и в духовнем преуспеянии облекшись во Христа.
3. Богатства тленнаго мира возненавидел еси/ и был еси яко странник и пришлец на земли, / взыскуя Града Небеснаго, / темже Домовладыка введе тя в чертог славы Своя.
4. Христос Бог обогати тя даром чудес, / и многия болезни страждущих исцелил еси, / не остави нас, чающих от тебе благодатныя помощи.
5. Крепкое заступление буди всем, / притекающим к твоей помощи в недужех и печалех, отче наш Амвросие, / Оптинския обители великий старче.
6. Избави нас от коварства лукавых духов/ и изведи из глубины греховныя, / да очистит нас Христос Бог от беззаконий наших и спасет души наша.
7. Како рцем твоя благодеяния людем, страждущим и уничиженным?/ Како воспоим ти благодарственную песнь?/ Приими ныне песнь хвалебную недостойных чад твоих.
8. Посети наша немощи по милости твоей, / исцели язвы духовныя силою данною ти свыше благодати, / да востанем от мертвеннаго сна греховнаго.

Тропарь, глас 5:

Яко к целебному источнику, / притекаем к тебе, Амвросие, отче наш, / ты бо на путь спасения нас верно наставляеши, / молитвами от бед и напастей охраняеши, / в телесных и душевных скорбех утешаеши, / паче же смирению, терпению и любви научаеши; / моли человеколюбца Христа/ и Заступницу усердную// спастися душам нашим.

Кондак, глас 2:

Завет Пастыреначальника исполнив, / старчества благодать наследовал еси, / болезнующим сердцем о всех, с верою притекающих к тебе. / Темже и мы, чада твоя, с любовию вопием ти: / отче святой Амвросие, / моли Христа Бога спастися душам нашим.

Прокимен, глас 7: Честна пред Господем смерть^а преподобных Его.

Стих: Что воздам Господевн о всех, аже воздаде ми!

Апостол к Галатам, зачало 213.

Братїе: Не вывѣимъ тщесла́вни, дрѣгъ дрѣга раздража́юще, дрѣгъ дрѣгъ завѣда́ще. Братїе, аще и впаде́тъ челоуѣкъ въ нѣкое прегрѣше́нїе, вы дѣховнїи испра́вляйте такоуаго дѣхомъ крѣтости: блюды́и себѣ, да не и ты и́скѣшенъ бѣдеши. **Дрѣгъ дрѣга** тѣлѣоты носите, и та́кѣ испѣлните за́конъ хрѣтоуѣ.

Аллилуия, глас 6: Блажен мѣж, бо́иша Господа, в заповѣдехъ Его восхо́щетъ зело.

Стих: Сильно на земли бѣдетъ семя его.

Евангелие от Луки, зачало 24.

Господь: Изше́дъ съ нами, ста на мѣстѣ ра́внѣ: и наро́дъ оучѣнкъ егѣ, и мно́жество мно́го люды́и ѿ всеа́хъ іудеи́и и іеру́слима, и помѣрїа́ тѣрска́ и сїдо́нска, иже прїидѣ́ша послѣдшати егѣ и и́зцѣлїтисѣ ѿ недѣгъ своїхъ, и стра́ждѣщїи ѿ дѣхъ нечїстѣхъ: и и́зцѣла́хсѣ. **И** весь наро́дъ и́скаше прика́сатисѣ е́мѣ: а́кѣ сила ѿ негѣ и́схожда́ше и и́зцѣла́ше всѣ. **И** то́и возве́дъ о́чи своѣ на оучѣнкѣ своѣ, глаше: бѣже́ни ни́щїи дѣхомъ: а́кѣ ва́ше е́сть црѣтвїе бжїе. **Бѣже́ни,** а́чѣщїи нѣѣ: а́кѣ насы́титисѣ. **Бѣже́ни,** пла́чѣщїи нѣѣ: а́кѣ возсѣ́етисѣ. **Бѣже́ни,** а́чѣщїи нѣѣ: а́кѣ насы́титисѣ. **Бѣже́ни,** пла́чѣщїи нѣѣ: а́кѣ возсѣ́етисѣ. **Бѣже́ни** бѣдете, е́гда возненавѣда́тъ ва́съ челоуѣцы, и е́гда разлѣ́чатъ вы и поно́сатъ, и пронесѣ́тъ и́ма ва́ше а́кѣ зло, сѣа чѣлѣческагоу ра́ди. **Возра́дѣйтисѣ** въ то́и де́нь и възыгра́йте: се во, мзда́ ва́ша мно́га на нѣсї. **По** сїмъ во твора́хъ прѣро́кѣмъ о́тцы и́хъ.

Причастен: Въ па́мѣть вѣчною бѣдетъ прѣвнїкъ, ѿ сла́ха зла не оубоїтсѣ:

Молитва

О великий старче и угодниче Божий, преподобне отче наш Амвросие, оптинская похвало и всея Руси учителю благочестия! Славим твое во Христе

смирненное житие, имже Бог превознесе имя твое, еще на земли тебе сушу, наипаче же увенча тя Небесною честию по отшествии твоём в чертог славы вечныя. Приими ныне моление нас, недостойных чад твоих, чтущих тя и призывающих имя твое святое, избави нас твоим предстательством пред Престолом Божиим от всех скорбных обстояний, душевных и телесных недугов, злых напастей, тлетворных и лукавых искушений, низпосли Отечеству нашему от великодаровитаго Бога мир, тишину и благоденствие, буди непреложный покровитель святыя обители, в нейже в преуспянии сам подвизался еси и угодил еси всеми в Троице славимому Богу нашему, Емуже подобает всякая слава, честь и поклонение, Отцу и Сыну и Святому Духу, ныне и присно и во веки веков. Аминь.

Синаксарнон:

Преподобный Амвросий Оптинский (в миру Александр) родился 23 ноября 1812 года в селе Большая Липовица Тамбовской губернии в многодетной семье пономаря Михаила Федоровича (отец которого был священником и благочинным) и Марфы Николаевны Гренковых. В 12 лет Александра определили в Тамбовское духовное училище, после которого он поступил в Тамбовскую духовную семинарию. Тяжело заболев в последнем классе семинарии, Александр дал Богу обет в случае выздоровления пойти в монастырь, но, поправившись, несколько лет откладывал исполнение обета. Успешно окончив семинарию, Александр Михайлович был сначала домашним учителем, а затем преподавателем Липецкого духовного училища. Наконец в 1839 году Александр поступил во Введенскую Оптину пустынь Калужской губернии к преподобному старцу иеросхимонаху Льву (память 11 октября). Александр Гренков был определен в скит монастыря, где нес послушание помощника повара. Черная и трудная кухонная работа не смутила бывшего преподавателя духовного училища. Он не стал рассуждать, что послушание не по нем, не по его силам, а принял назначение со смирением, как из уст Самого Господа. Поварская работа занимала у молодого послушника большую часть дня, ему мало приходилось бывать на богослужениях, и это приучило его к внутренней молитве.

Через три года, когда ему исполнилось тридцать лет, Александр был пострижен в монашество с именем в честь святителя Медиоланского Амвросия (память 7 декабря) и рукоположен в иеродиакона, а через два года — в иеромонаха. Тяжело заболев, отец Амвросий был пострижен в схиму, после чего стал выздоравливать, но полностью поправиться уже никогда не мог. Он не скорбел о своих болезнях, считал их необходимым средством воспитания души и говорил в утешение недужным: «Бог не требует от больного подвигов телесных, а только терпения со смирением и благодарения».

Иеромонах Амвросий стал помогать своему духовному отцу, преподобному старцу иеросхимонаху Макарию, в его трудах как духовник, принимал посетителей, участвовал в переводах и издании творений святых отцов и книг духовного содержания. После кончины преподобного Макария (†7 сентября 1860) преподобный Амвросий становится духовным наставником братии. За

наставлением к нему шли тысячи верующих и неверующих людей со всей России. К нему приезжали за советом и для беседы великий князь Константин Константинович Романов, Ф. М. Достоевский, В. С. Соловьев, К. Н. Леонтьев (монах Климент), А. К. Толстой, Л. Н. Толстой, М. П. Погодин и многие другие. Преподобный Амвросий никогда не позволял себе пустого слова и говорил лишь с целью исправления и назидания. На насущный вопрос: «Как жить?» — он давал шуточные ответы: «Нужно жить нелицемерно и вести себя примерно, тогда дело наше будет верно, а иначе будет скверно». Или: «Жить — не тужить, никого не осуждать, никому не досаждать, и всем мое почтение». Или: «Жить можно и в миру, только не на юру, а жить тихо». «Мы должны, — говорил старец, — жить на земле так, как колесо вертится: чуть только одной точкой касается земли, а остальными непременно стремится вверх; а мы как заляжем на землю, так и встать не можем». Преподобный Амвросий имел дар прозорливости, он исцелял больных, помогал нуждавшимся и бедным. Для оказания помощи старец являлся людям на расстоянии, наяву или во сне. Преподобным Амвросием была устроена Казанская Шамординская женская обитель, куда он посылал жить или нуждавшихся больных, или бедных благочестивых женщин, девушек и сирот. Преподобный Амвросий был великим молитвенником за всю Россию. Во время молитвы его лицо видели преображенным.

Скончался преподобный Амвросий 10 октября 1891 года в Шамординской обители и был похоронен в Оптиной пустыни рядом с могилой преподобного старца Макария. После кончины старец Амвросий являлся многим людям в разных концах России, исцеляя больных, помогая страждущим. Святость жизни старца Амвросия явлена в его деятельной любви к ближним, и православный народ всегда отвечал ему глубоким почитанием. В 1988 году на Поместном Соборе Русской Православной Церкви преподобный Амвросий был причислен к лику святых угодников Божиих. Обретенные его честные мощи почивают во Введенском соборе Оптиной пустыни. Память празднуется 10 октября, а также 27 июня (обретение мощей) и 11 октября — в Соборе Оптинских старцев.